

HUGPONG NGA III

Paggamit ku mga letra nga wa't dugalingon nga limog, (consonante)

B, D, L, M, N, P, T.

Sa inakeanón ro limog ku mga letra ngará hay kamana ku gina taó kanda sa kinatsilâ.

E

(Kon gina gamit nga consonante)

Rayang letra hay masigin gamiton sa inakeanón nga wat dugalingon nga limog o *consonante*. Ag gina gamit eamang imaw nga *consonante* kon gina baylo sa *l*, kamukhâ sa *sacâ*, *baeay*, *kilaea aip*; apang dapat ipaathag nga bukon it tanan do magamitan it *l* hay mahimo nga mabayluhan it *e*. Si haning G. Pedro T. Torres hay may gin tukod nga sueondan ag mawrá:

“Ro *l* kong gina apirán it *a*, *o*, o *u* hay paga mitlangon nga *ea*, *eo*, *eu*, kamukhâ sa *balay*, *sulondan*, *luha*; apang liwán, sa sueondan ngará kon ro *l* gina apirán it *i*, o kon gina unahan it *d*, *y*, *t*, ay sa bagay ngará paga mitlangon nga mahingan ku *l* nga kinatsilâ. Halimbawâ. *Limá*, *olihi*, *tudlo*, *saylo*, *tatlo*.”

Apang sa sueondan ngará hay madamue do haliwan o nabueaw-as nga mga bisaeá. Ro pag pa-niid maw ro mayad nga maga turô kon anó ro mga